



Sön le rî ciamp dl Wiesen ti pëta La Val bëgn cater iadi l'ajëi ai avversars y se porta a ciasa na bela devënta.

Bela reaziun da pert de düta la formaziun, che á stenté dî a chirí indo na devënta. I sogadús mëss naota ciafé confidënza cun le ciamp impregnü d'ega dl Wiesen, mo en iade che ai ciafa les mesüres castigheï a dovëi, dan daldöt tla secunda pert.

Bele al terzo menüt conzed l'arbitër la mascima puniziun por en contrast te area sön Alex P. Le capitan Stefan trasformëia le önescmetri cun segurté. Dô le vantaje ciafa le Wiesen coraje y avanzëia tl mezciamp ladin. Val ocajiun davagni ince, indere sënza ester prigorusc plö d'intan.

Al 30[^] pëia ia Alex E. da na pert y prô de sorví le cumpagn Alex P., che rōia indere de pūch massa tert ala trata. Le bel jūch bass sōn le ciamp é stenté y le Wiesen davagna plō repartēnzes, letales por la defenjiun, impó ti tēgni bót cina la fin dl prōm tēmp.

En La Val plō determiné rōia do la palsa te ciamp. La bela combinaziun al 63[^] anter mezciamp y atach fej ruvé Michele dan porta, che tira sōn le prüm pé de porta cun dezijiun por le dopl vantaje. Pūch dô controlëia Stefan le palé y sorvēsc Alex E. al limit che prô na trata sēcia, le portier mēss se destrá por paré. Al 73[^] controlëia Ivan cun savëi la crossada pūch dan le portier y apogëia te porta por le 3 a 0. Prigorosa la trata sēcia cuntra la porta ladina al 75[^], daulache le verdaporta Nathan é reatíf a deloj la cogura te ciantun. Dan che la partida rōia a piz ti sciampa ciamó en iade Michele ai defensurs y ne sighetëia nia a tra sōn le pé lunch de porta por ti taié definitivamēnter les giames ai avversars.

Na devēnta importante fora de ciasa, che desmostrá la orenté de urëi batalié cina l'ultima de campionat, partida che gnará sugada duman te ciasa cuntra le Raas.

Wiesen – La Val 0-4

Formaziun La Val: 1. Nathan Massa, 2. Michele Campeï, 3. Paolo Vallazza, 4. Marco Castlunger, 5. Luca Pescollderung, 6. Christian Dapoz, 7. Christian Terza (60[^] Max Nagler), 8. Ivan Tschaffert (70[^] Luca Bernardi), 9. Alex Ploner (75[^] Patrick Miribung), 10. Stefan Sottara – capitan (80[^] Egon Frenes), 11. Alex Elzenbaumer

Proscima partida: La Val süga in duman sabeda dales 16:00 a La Val cuntra le Raas

Atri resultac:

Juniores Pool (Val Badia): Val Badia – St. Pauls: 0-0

Giovanissimi (Val Badia): Chienes – Val Badia 2-2